

Bersama
Kanak-kanak III





Abang

- 1287 Sebelum makan capati,
 Main kejar-kejar;
Abang baik hati,
 Bantu adik belajar.
- 1288 Lalu pintu gerbang,
 Masuk kota lama;
Tumpang basikal abang,
 Pergi sekolah bersama.
- 1289 Kejar bayang-bayang,
 Sungguh beria-ia;
Abang tentu sayang,
 Pada adik dia.
- 1290 Duduk gebang-gebang,
 Kopi atas meja;
Orang ada abang,
 Boleh manja-manja

Adat

- 1291 Nama kakak Mazwin,
 Nama abang Nazir;
Buat kerja kahwin,
 Jangan sampai membazir.

- 1292 Waktu pergi mencandat,
Jangan buat bisings;
Orang jahil adat,
Hidup seperti terasing.
- 1293 Jumpa ayam serama,
Baru ini kelih;
Adat Melayu lama,
Ikut pilih-pilih.
- 1294 Pergi merata cari puyu,
Lutut lemah sandar di busut;
Adat kita orang Melayu,
Masuk rumah tanggal kasut.

Adik

- 1295 Cari lada sulah,
Pergi dua kedai;
Adik rajin sekolah,
Baru cepat pandai.
- 1296 Jangan main badik,
Depan orang ramai;
Duduk adik-beradik,
Biar aman damai.
- 1297 Main lantun-lantun,
Kena pada celepa;
Adik memang santun,
Pada ibu bapa.